

2022KO URRIAREN 27AN GOBERNU BATZARRAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeita zazpia

HILABETEA: Urria.

URTEA: Bi mila eta hogeita bi.

HASIERAKO ORDUA: Arratsaldeko seiak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Bost (5)

MAHAIBURUA: Leire Artola Ugalde (EAJ-PNV)

BILDUAK: Adur Ugartemendia Leunda (EAJ-PNV)

Nerea Manzisidor Mendizabal (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Malu Valles Fernandez (EAJ-PNV)

IDAZKARIA: ITZIAR AROZTEGUI APAOLAZA

1.- AURREKO AKTA. Aurreko Aktaren onespena. 2022-09-29.

Aktaren berri eman ondoren, aho batez onartu da berarekiko zer esanik ez dagoelako.

2.- LURRALDE BATZORDEKO PROPOSAMENAK:

A.- LIZITAZIOA: PABILOIA BESTERENTZEKO LIZITAZIOA. 2022IDBO0018

Lurralde Batzordearen proposamenaren berri eman da aipatutako lizitazioa egiteko, baldintza plegua onartuz. Ezaugarriak ondorengo dira:

- Helburua: udal ondarean sartuta dagoen Ittolako industrialdeko B-6 zenbakia duen pabiloi industrial basterentzea.
- Prozedura: irekia eta erregulazio harmonizatuaren menpe ez dagoena.
- Lizitazio prezioa: 240.821,17 € (Prezioan ez dago sartuta transmisioari dagokion zerga).
- Kaudimen ekonomikoa: Banketxeak emandako kaudimen agiria, higiezin erosteko
- Kaudimen teknikoa: ez da eskatzen.
- Behin behineko bermea: 12.041,06 €koa (ondasunaren tasazio-balioaren %5a).
- Esleitzeko irizpideak:

- Formula bidez: 80 puntu.

1. Proposamen ekonomikoa: 0 tik 70 puntura, eskainitako erosketa-prezio handienaren arabera.
2. Ondasuna higiezinetako inbertsio gisa erostea: 10 puntu.

Lizitatzailaren erantzukizunpeko adierazpena (3. eranskina). Dokumentu hau ez aurkeztea zigortu egingo da, eta puntuazioa 0 puntukoa izango da.

- Judizioen bidez: 20 puntu.

Jarduera bat garatzeko ondasuna eskuratzea: 20 puntu.

Kasu hori justifikatzeko, agiri hauek aurkeztu beharko dira:

a) Lokala prestatzeko proposatutako irtenbideen aurreproiektua, planoak, zirriborroak eta abar.

b) Jardueraren garapenak sortuko dituen zuzeneko lanpostuen kopurua.

c) Lizitatzaiaren erantzukizunpeko adierazpena, garatu nahi duen jarduera motari eta hura irekitzeko epeari buruzkoa (3. eranskina).

a), b) eta c) puntuetan adierazitako dokumenturen bat aurkezten ez bada, atal bakoitzeko 0 puntuko zigorra ezarriko da.

Balorazioa egiteko kontuan izango da, aurkeztutako proposamenaren definizio eta zehaztapen maila handiagoa edo txikiagoa.

Bi proposamenen edo gehiagoren artean berdintasuna dagoenean, prezio onena eskaini duenari emango zaio lehentasuna. Berdinketak bere horretan jarraitzen badu, zozketa bidez ebaztuko da.

- Proposamenak aurkezteko epea: Hogei lanegun, kontratuaren lizitazio iragarkia kontratatzailearen profilean argitaratzen den egunaren biharamunetik kontatzen hasita.
- Eskrituratzeko epea: Salmenta-prezioaren ordainketa osoa egindakoan (behin betiko esleipen jakinarazpena jasotzen denetik hilabeteko epean).

Hitz egiteko txanda eman ondoren, Beasaingo EH BILDUKO ordezkariak esan du abstenitu egingo dela eta eskatu du salmentatik lortutako dirua, babes ofizialeko etxebizitzak egiteko terrenoak erosteko, erabiltzea.

Bozketa eginda ondorengo emaitza lortu da:

Aldeko botoak: 4 (EAJ, Socialistas Vascos-Euskal Sozialistak)

Aurkako botoak: 0

Abstentzioak: 1 (Beasaingo EH Bildu).

Horren ondorioz, proposamena gehiengo osoarekin onartu da.

B.- OBRA ZIURTAGIRIAK:

- IGARTZA FUTBOL ZELAIAREN BELAR ARTIFIZIALA JARTZEARI BURUZKO OBRAK. LIKIDAZIOA. 2022PROB0004

Aho batez ondorengo likidazioa onartu da: Igartza futbol zelaiaren belar artifiziala jartzeko obrei dagokiena: 239.269,85 €koa (BEZ barne).

Esleipen prezioarekiko 40.000,00 € gutxiago.

- KIROLDEGIKO PLAKA FOTOBOLTAIKOAK INSTALATZEARI BURUZKO LIKIDAZIOA. 2022OBMA0002

Aho batez ondorengo likidazioa onartu da: kiroldegiko plaka fotoboltaikoak instalatzeari buruzko obrei dagokiena: 42.885,44 €koa (BEZ barne).

Esleipen prezioarekiko igoera: %3

- ORIAMENDI KALEKO BERRURBANIZAZIO-OBREN LIKIDAZIOA. 2021PROB0001

Aho batez ondorengo likidazioa onartu da: Oriamendi kaleko berrurbanizazio-obrei dagokiena: 60.550,02 €koa (BEZ barne).

Esleipen prezioarekiko igoera: %2,7

- SEASKA HAURRESKOLAN BEROKUNTZA INSTALAKUNTZA BERRITZEKO OBRAK. 1. ZIURTAGIRIA. 2022PROB0003

Aho batez ondorengo obra-ziurtagiria onartu da: Seaska Haurreskolan berokuntza instalakuntza berritzeko lanei buruzko lehenengo ziurtagiria: 61.707,29 €koa (BEZ barne).

3.- ESKAERA ETA GALDERAK

Eskaera eta galderetan ez da inolakorik aurkeztu.

Eta tratatzeko besterik ezean, bilera arratsaldeko zazpiak hamar gutxitan amaitu da eta nik, idazkari naizen honek akta hau idatzi eta sinatu dut.